



SARRERA

Lehen Hezkuntzako garaian oinarrizkoa da garapen kognitibo eta sozio-afektiboa errespetatzea, egoera berrien antolaketa ahalik eta modu naturalean mantenduz, haur bakoitza kontuan izatea beharrezkoa delako. Lehen Hezkuntzako ikasleek egoera berrien aurreikuspena behar dute, ziur sentitzeko eta norberaren autonomia eta oreka lortzeko.

Kutxa Ekogunera bisita egin aurretik eta ondoren, eskolak aukeratutako tailerraren osagarri diren unitate didaktikoak eskaintzen ditugu. Hauek sakontze saioak direla esan dezakegu, hau da, harrera eta itxierakoak. Saio hauek burutuko den jarduera berriarekin kokatzen laguntzeko beharrezkoak dira.

Eskolan hasita, etxean partekatuz eta Kutxa Ekogunearen arteko lotura sortuz, haurren hezkuntza komunitate guztia inplikatu dugu; haurrek ikasketa- prozesu esanguratsua izatea gure helburua delako.



HAZI BONBAK IKASTETXEAN

Hazi bonbak, bizitza sortzen duten eztanda koloretsuak dira, ikastetxean hazi bonbak eraikiko ditugu eta gure ikastetxearen inguruan jaurtiko ditugu.

Hazi bonbak, haziak barnean dituzten buztinezko bolak dira, haizen hazkuntzan laguntzen dute hezetasuna duten bitartean.

Kutxa Ekogunean, hazi bonbak landareekin birsortu nahi diren irisgarritasun zaileko eremuetan erabili izan dira: barne patioetan, obra ostean sortzen diren zuloetan...

Materialak

- Sasoiko haziak
- Buztin hautsa
- Ura
- Ongarria
- Prozedura



Prozesua

Buztin hautsa bi heren, ongarria heren bat (zizare humusa, ongarri unibertsala...) eta ura nahastu, bola bat egiteko adinako sendotasuna eman arte.

Buztin bolak egiten goazen heinean lauzpabost hazi buztin boletan sartu.

Hazi bonbak etorkizunean bota behar badira, siku egon behar dute haziak ernetu ez daitezen. Hazi bonba bat heze mantentzen badugu ikasgelan, ernetzen ikusi ahalko dugu.





Nola jaurtiki hazi bonbak

Hazi bonbak egin ostean hauek jaurtitzea egun berezi bat izan daiteke apur bat antzezten bada.

Ikasleak lerro batean ipiniko dira, hazi bonbak jaurtiki behar dituzten eremuari begira, albo batean irakaslea egongo da hazi bonbak jaurtikitzeko agindua emateko. Ikasle bakoitzak hazi bonba bat hartuko du eskuan, atzeraka luzatuko du eskua eta irakasleak ondokoa esango die:

"Hazi bonbak... prest?" Ikasleek "Bai!" esango dute. "3, 2, 1.... jaurti!"

